

HALA TUJU PSHBPTS

- Membina tapak semaian anak pokok bakau yang mampu menampung 5,000 pokok dalam satu masa.
- Menganjurkan karnival kesedaran pendidikan hutan paya laut di peringkat sekolah / institusi / masyarakat setempat.
- Menganjurkan program latihan pementapan sendiri bersama komuniti Tanjung Surat.
- Menjalankan kerja-kerja pemantauan dan penyelenggaraan kawasan tanaman di Pulau Tanjung Surat.
- Menganjurkan program penanaman pokok bakau di Tanjung Surat secara aktif setiap tahun.
- Menyertai pelbagai pameran yang berkaitan dengan mempromosikan kepentingan hutan paya laut dan berkongsi penglibatan komuniti setempat bagi program pemulihan hutan paya laut.
- Membangunkan produk kraftangan tempatan berasaskan hutan paya laut untuk meningkatkan peluang ekonomi masyarakat setempat.
- Membangunkan ekopelancongan seperti lawatan bakau, pemandu pelancong, aktiviti semaian bakau, aktiviti penanaman bakau, demonstrasi produk dan aktiviti sukan rakyat.
- Meningkatkan kefahaman terhadap kepentingan pemuliharaan hutan paya laut kepada masyarakat setempat, badan berkepentingan, rakan korporat dan generasi muda.



AKTIVITI EKOPELANCONGAN & PRODUK TEMPATAN BERASASKAN BAKAU

PSHBPTS menyediakan perkhidmatan ekopelancongan di Pulau Tanjung Surat seperti aktiviti penanaman bakau, penyediaan semaian biji benih bakau dan pengalaman menghasilkan produk berasaskan bakau.

Selain itu, industri kraf seni pembuatan jong amat terkenal di Pulau Tanjung Surat. Pembuatan dan permainan jong ini perlu diperkenalkan kepada generasi muda agar tidak hilang ditelan zaman.

Mari sertai dan turut sama terlibat dengan PSHBPTS untuk menyokong kelangsungan hidup lestari komuniti Tanjung Surat.



UNTUK MAKLUMAT LANJUT:

Pertubuhan Sahabat Hutan Bakau Pulau Tanjung Surat, Kota Tinggi
Kampung Linting, Tanjung Surat,
81900 Kota Tinggi, Johor Bahru, MALAYSIA
HP: En. Mahidan (019 614 5164) / Pn. Noraini (019 795 1914)

Global Environment Centre (GEC)

Tingkat 2, Wisma Hing, No. 78, Jalan SS2/72,
47300 Petaling Jaya,
Selangor Darul Ehsan, MALAYSIA.
Tel: +6 03 7957 2007; Fax: +6 03 7957 7003
Web: www.gec.org.my
Email: outreach@gec.org.my;
fcp@gec.org.my

PROGRAM PEMULIHARAAN HUTAN PAYA LAUT BERASASKAN KOMUNITI DAN KELANGSUNGAN HIDUP LESTARI DI TANJUNG SURAT, JOHOR

DILAKSANAKAN OLEH:



DISOKONG OLEH:



PENGENALAN PULAU TANJUNG SURAT

Tanjung Surat merupakan sebuah pulau kecil yang terletak di kawasan muara Sungai Belungkor dan Sungai Johor di dalam daerah Kota Tinggi. Jumlah penduduk di Pulau Tanjung Surat dianggarkan seramai 200 keluarga dalam tiga buah kampung iaitu Kampung Linting, Kampung Tanjung Surat dan Kampung Nyior.

Kedudukannya yang jauh dari bandar Kota Tinggi menyebabkan masyarakat luar kurang mengenali sejarah dan kepentingan pulau kecil ini. Keunikan Pulau Tanjung Surat adalah ia dikelilingi oleh kepelbagaian spesies pokok bakau dan menjadi habitat kepada pelbagai flora, fauna dan hidupan marin.

Pekerjaan utama penduduk adalah sebagai nelayan, penoreh getah, pertanian dan sebagainya. Akses utama untuk ke Pulau Tanjung Surat adalah melalui jalan air dengan menaiki bot merentasi Sungai Belungkor. Terdapat perkhidmatan bot yang diusahakan oleh penduduk tempatan untuk membawa penumpang ke Pulau Tanjung Surat.

SEJARAH PULAU TANJUNG SURAT

Suatu masa dahulu, Pulau Tanjung Surat merupakan pusat pengumpulan surat-surat dari luar dan di dalam kawasan timur Johor. Semasa zaman Sultan Abu Bakar ibni Temenggung Ibrahim (1862-1895) baginda telah memasyhurkan pulau ini sebagai salah satu pusat pentadbiran penting Kerajaan Johor dengan melantik 'Datuk Penggawa Timur', Datuk Nong Jaafar bin Nong Yahya sebagai Pesuruhjaya Timur, atau Ketua Wakil Sultan (Yayasan Warisan Johor, 2011). Kini, kawasan Tanjung Surat adalah sebahagian daripada jajaran daerah Kota Tinggi dan Mersing yang terletak dalam kawasan Johor Tenggara.



PERMAINAN TRADISIONAL: JONG

Jong sering dimainkan dari tahun 1940an lagi oleh penduduk kampung terutamanya para nelayan yang tinggal di kawasan pesisir pantai. Jong dihasilkan berdasarkan pemilihan kayu ringan seperti kayu pulai yang mengambil masa lebih kurang 15 hari hingga sebulan untuk proses mengukir rangka jong, bergantung kepada saiz jong yang hendak dihasilkan. Kesempurnaan penghasilan jong ditentukan melalui kebolehannya meluncur laju mengikut arah angin ketika dilepaskan di permukaan air laut. Kini, ia telah digunakan dan dipromosikan sebagai produk kraftangan tempatan bagi memelihara tradisi permainan jong di Pulau Tanjung Surat, Johor.



MENGENAI PSHBPTS

Pertubuhan Sahabat Hutan Bakau Pulau Tanjung Surat (PSHBPTS) (PPM-029-01-11032020) telah ditubuhkan pada 2019 dan terdiri daripada komuniti tempatan Pulau Tanjung Surat. Faktor utama penubuhan PSHBPTS ini dirangsang oleh kesedaran dan keprihatinan komuniti tempatan terhadap ancaman berterusan yang berlaku di kawasan hutan paya laut mereka dan ekosistem sekitarnya yang sememangnya memberi impak negatif ke atas sumber semula jadi yang selama ini menjadi tempat bergantung hidup mereka. Mereka berkongsi tanggungjawab bersama Jabatan Perhutanan Negeri Johor untuk memulihara, menjaga dan mengurus hutan paya laut di Pulau Tanjung Surat. PSHBPTS menjadi mata dan telinga terhadap sebarang pencerobohan yang berlaku di hutan paya laut Pulau Tanjung Surat dan bergiat aktif terlibat dengan aktiviti pemuliharaan hutan paya laut termasuk menjadi agen penyebaran maklumat dan berkongsi pengalaman berkenaan aktiviti pemuliharaan hutan paya laut di Pulau Tanjung Surat.

OBJEKTIF PSHBPTS

- Menggalakkan penglibatan masyarakat setempat di dalam program pemeliharaan dan pemuliharaan hutan paya laut di Tanjung Surat.
- Sebagai landasan kerjasama pintar antara agensi kerajaan, badan korporat, syarikat swasta, NGO dan komuniti setempat dalam menguruskan hutan paya laut di Tanjung Surat.

RUTIN PSHBPTS

- Program penanaman pokok bakau
- Mengurus dan menyelenggara tapak semaian
- Pembuatan kraftangan
- Pengeluaran produk berasaskan bakau dan industri desa
- Pemerkasaan komuniti tempatan terutama golongan ahli wanita (suri rumah); dan
- Ekopelancongan berasaskan hutan paya laut dan komuniti.